

## Biibilimi Jiisusi pillugu oqaluttuaq

---

### Maria inngilimit pulaarneqarpoq

Taamaalluni guuti isumassarsivoq. “Ernera inuinnartut allatulli nunarsuarmi inunngussaaq,” eqqarsarpoq, “Taamaalilluni inunnut takutissinnaassavaa qanoq ilillutik inuunertik ajunnginnerpaamik atorsinnaagitsik.”  
 “Taamaalereerpat anersaaq illernartoq nunarsuarmut takkutissaaq, ernermami oqaasii eqqaamajuannarneqassammata”

Oqarsinnaavugut Guuti ataasiullunilu pingasuusoq, tassa Guuti, Guutip erneranersaarlu illernartoq. “Inuit tamanna paasisinnaanerlugu?” Guuti eqqarsarpoq.

Kinguninngua niviersiaq inngilimit pulaarneqarpoq. Niviersiaq Maria-mik ateqarpoq Nazareth-imilu najugaqarluni. Inuulillaramili aatsaat inngilimik naapitsivoq. Tupaallalluni inngilip oqaasii tusarnaarpai. Inngili oqaluttuarpoq Guutinngooq erneranik meerartaassaaq. “Taamaattoqarsinnaanngilaq!” Maria isussuppoq. “Angummik tutitaqarsimanngisaannarpunga.” Inngilip paasitippaa, Anersaap illernartup pissaanera ikiortigalugu, naartulissasoq. Mariap naani attualaajutai tupigusulluni eqqarsarpoq. Pisussat suusanersut paasisinnaanngilluinarpai, kisianni misigissusiata oqarfigaa suna tamarmi ajornavianngitsoq. Qujanartumik peeraata Josef-ip tamanna kamaatiginngilaa.

### Jiisusi inunngorpoq

Nazareth illoqarfeeraavoq mikisuarraq, taamaakkaluartorli Ruumap naalagaafferujussuanit tiguagaasimavoq. Juutimmi nunagisaat tamaat tigarneqarsimavoq. Ullut ilaanni ruumamiut kaasariata inuit naalagaaffigisani qassiuneri paaserusulersimavaa, tamaasami akiliisittarniaramigit. Inuit tamaqqinnaamik kisinneqassapput, tamannalu ilaqutariit angutitaasa inunngorfianni pissaaq. Taamaammata Maria, erninissani qanittuaranngoraluartoq, Josef-i ilagalugu Bethlehem-mut ingerlasariaqalerpoq. Josef-immi kunngi David ungasissumi ilaqutarisimavaa, taannalu Bethlehem-mi inunngorsimavoq.

Mariamut iluarnersussammata siutituumik nassarlutik Bethlehem-mut ingerlaalerput, kisianni arriitsumik. Tikinniaasaarlutik tikikkamik unnuiffissaarupput, unnuisarfinni siniffit tamarmik ulikkaarsimmammata. Taamaattumillu nersutit inerannguanni illoqarfiup silatinnguaniittumi, nersussuit siutituullu akornanni unnuisariaqalerput. Unnuaannarmi Maria nukappiaqqamik ernivoq, Josef-ilu uumasut nerisarfisa ilaanni ivigarsuit panertut atorlugit ernermi innanngavissaanik sanavoq, tassungalu meeraarannquaq ilivaat. Jiisusimik atserpaat, Josef-imi inngilimik oqarfigineqarsimavoq taama atserneqassasoq.

Eqqannguanni narsami savanik paarsisut sinipput. Tassanngaannarli qaamanersuarmik itertitaapput. Qilammi ulloriarujussuaq takusimanngisaaannagaat, suna tamaat qaammareerlugu takkuteriasaarpoq. Aammalu inngilit tussiartut tusaalerpaat. “ Silarsuarmi annaassisusaaq inunngorpoq,” tussiartut. ”Meerannguaq ujarniarsiuk, ungasinngitsumi nersutit nerisarfanni nalavoq.”

Tussiut naammat paarsisut siullermik oqaasissaarullutik nipaqqanngitsumik tupingusupput. Alapernaalerpulli. Arpaannaq Bethlemiliarput, tassanilu uumasut inaanni Jiisusi nersutaatit nerisarfanni innangasoq nanivaat. Uumasunik paarsisut meeraannguaq isigaat, isigereeramikkulu Josef-i Marialu inngilit tusiagaannik oqaluttuupaaat.

Angajoqqaat tulluusimaaqisut nersutit inaanniiginnarallarput, Mariap ernisimanini qaangerluarniassammagu. Ullulli ilaanni inunnik akimasunik pulaartoqarput. Inuit tassaapput angutit pingasut ilisimasut kangiamiut. Ulloriarsuaq takugamikku aggerusulersimapput. Meeqqamut tunissutissatik kusanartut nassarpaat. Kisianni aamma mianersoqqusummik nassarput. “Meerannguaq navianartorsiorpoq,” siulleq oqarpoq. “Qimaaniaritsi,” tullia oqarpoq. “ Ukiut arlalialuit qaanngiuppata uteqqissaasi!” kingulleq oqarpoq.

## **Jiisusi inersimasunngorpoq**

Jiisusi inersimasunngorami, Maria Josef-ilu qimallugit, sumi tamaani angalaalerpoq, inuit Guutimik oqaluttuukkiartorlugit. Oqaluuppai asanninneq inatsisinit malittarisassanillu pingaarnersooq, Guutillu asanninnera inunnut tamanut tunissutaasoq. Aamma oqarfigai inuit imminnut ajunngitsumik pisuaannartassasut. Jiisusip aamma napparsimasut ajorunnaarsittarpai assigiingitsunillu ikiortarlugit. Ingerlaarnermini inuppasuarnik malinnittunik naapitaqartarpoq . Inuit 12-it imikkuullarissumik ikinngutitaarai. Taakkulu 12-it Jiisusimut ajoqersuganngorput.

## **Jiisusi qimusserluni Jerusalem-imut iseriartorpoq**

Jiisusi ajoqersugaalu ukiut pingasut missaanni nuna kaajallallugu angalareerlutik, aqqutaanilu tikitatik Guutimik oqaluttuuttareerlugit, juutit poorskianni nalliuttorsioqataajartorlutik Jerusalem-ukarput.

Sulili apuutinngitsut aggernerat ilisimaneqalereersimavoq, siutituaqqamilu issialluni illoqarfimmut iseriartormat, palmit avalequtaannik aqutissaanut ilioraapput. Inuit ilaat aalateripput allallu torlulaartarput: “Kunngi Guutimik unnersiutigineqarli” aammalu “Annaassisooq inuummersorli!”

Allakkanik ilisimasut palasiunerillu nuannaanngillat. Namminnermi Guutip inatsisaasa qanoq nassuiarneqarnissaat inunnut paasitinniararpaat, Jeesusili isumaqatiginngilaat. Aamma Jeesusip kunngimik annaassisumillu taaneqartarnera nuannarinngilaat. Taamaammat aalajangerput toqunniarlugu, qanorilillutilli taamaaliornissartik nalullugu.

## Poorskimi nereqatigiinneq siulleq killuussinerlu

Poorskisiorortoqartillugu palasiunerit Jiiusimut toqutsiniarnertik nangaassutigigallarpaat - nalliuttorsiorneq aammalu nalliuttorsiorituni inuppasuit Jiiusimut nuannarinninnerat pissutigalugit.

Pilersaarutitik piareersaleruttoraat, Judas-i Iskariot-i pulaarluni iserpoq. “Jiiusip toqussagalarukku qanoq akilissagalarpisinga?” aperivoq. “Aningaasanik sǫlviniq 30-nik akilersinnaavatsigit,” akippit. Taakku Judasip naammagai. Taava aningaasanik tunineqarpoq, Judas-ilu neriorsuivoq sakkutuui Jiiusip unnuiffianut siulersorniarlugit, tassanilu isertorlutik Jiiusip tigusarisinnaagaat.

Poorskisiorneq sisamanngornikkut aallartippoq. Savaaqqamik, naatitanik sungarnitsunik, aammalu juutit Ægyptinimiit qimaanerit eqqaaniallugu, timiusanik qapoqanngitsunik nerippit. Jiiusip ajoqersukkani nereqatigai, kisianni Judas-i malugitinnaveersaarluni allamukarluni anivoq.

Neritillutik Jiiusip iffiamik tiguisivoq. Avereeramiuk ajoqersukkanut agguarpaa, oqarlunilu: “Takanna. Neriniarsiuk, tassaammammi uanga timiga.” Taava ermuseq viinnimik imalik tiguvaa oqarlunilu: “Tamassi uanga imeritsi. Tassaammammi uanga aaga. Inuppasuit pillugit toqutaasussaavunga, toqugumalu Guuti inunnut tamanut nutaamik isumaqatigiissutuliussaaq. Isumaqatigiissutuliallu inuit ajortuliorsimasut isumakkeerfigineqarsinnaanermut piffisaqartilissavai.”

Nerereeramik Jiiusip ajoqersugaalu Gethsemanip naatssvianut pisuttuarput. Tassaniinneranni Judas-i palasiunerit sakkutuui ilagalugit arajutsisitsilluni takkuteriasaarpoq. “Jeesusip orneriarlugu kunissavara,” Judasip isussulluni sakkutuunut oqarpoq. “Kunikkukku paasiinnassavarsi sorleq Jiiusiusoq, tigusalugulu.” Taamalu pisoqarpoq. Jiiusip sakkutuunit tigusaavoq aallarunneqarlunilu.

## Sanningasulimmut kikiattugaaneq

Aqaguani ullaaralaannguaq palasiunerit Jiiusip ruumamiut guvernøriannut Pilatus-imut aallartippaat. Neriutigisimavaallu Jiiusip toqumut eqqartuunneqarnissaa taassuminnga aaliangerneqassasoq. “Jiiusip pikitsisisoqarnissamat kajumissaarisuuvoq,” Pilatus-imut oqarput. “Juutinut kunngiunerarpoq annaassisuunerarlunilu!” Oqallinneqareemat Pilatusip Jiiusip

sakkutuunut tunniuppaa, iperartugaanissaa kikiattugaanissaalu isumageqqullugu. Sakkutuut Jiisusi kikiattugaaffissaanut Jerusalem-ip qarmagaata silataaniittumut ingerlappaat. Tamanna Golgata-mik taaneqartarpoq ateqarlunilu Niaqqut saarngisa inaat.

Taakunga ingerlanermini Jiisusip sanningasup kikiattugaaffissami qisuttaata aappaa nammineq nammappaa. Inuppassuarnik malinneqarpoq, arlalippassuillu qissapput. Kikiattugaaffissamut tikiukkamik sakkutuut Jiisusi piiaasut marluusut eqqaanni sanningasulimmut kikiattorpaat. Jiisusili eqqissimaqqinnaarpoq oqarlunilu: “Ataataga, isumakkeerfigikkit, naluvaammi sunerlutik”

Ulloq naallugu Jiisusi sanningasulimmi nivingavoq. Ullup qeqqata missaani nuna tamarmi taarsuarmik ulinneqarpoq, silapilussuartut ittumik. Inuit qiialerput ersilerlutillu. Allaat Jiisusi nalornerpasippoq. “Guutiga, Guutiga! Sooq qimappinga?” torlulaarpoq, kinguninngualu isussuppoq: “Ataataga, ilinnut tunniuppunga”, taavalu toquvoq. Taamaalinerani naalaffiup iniisa illernarnersaasa saagorsua qupivoq.

Sakkutuut naalagaasa ilaat sanningasup eqqannguani nikorfavoq. Jiisusi toqusoq takugamiuk, ima nillerpoq: “Una angut tassa Guutip erneru.”

Jiisusip ajoqersungaasa akuerineqaramik toqusup timaa aqqarpaat. Tungermut ermuppaat ilivermullu, innami sananeqarsimasumi, ilillugu. Tassani Jiisusi eqqissilluni qasuersaarniassammat, ujararujussuaq qaarusuup ammarnanut inissinneqarpoq. Tamakku pisimasut tallimanngornermi pipput, juutit sapaassuaata “sabbat”-ip aallartinngilaarnerani.

## Toqusunit makinneq

Sapaammi ullaaralaaq arnat pingasut, Jiisusimut malittaasunut ilaasimasut, qaarusummukarput, Jiisusip timaa uulianik tipigissunik tanikkiartorniarlugu. Aqqutaani imminnut oqaluupput qanoq ilillutik ujarassuaq qaarusuup ammaneraniittoq ajassinnaassagitsik, kisiannili tikiukkamik takuaat ujarassuaq assakarneqareersimasoq. Ilerfanut iserput, Jiisusilli timaa naninngilaat. Iliveq imaqqanngilaq.

Qanoq isumaqarnissartik nalulerpaat, kisianni tassanngaannaq angutit qaamasunik atisallit eqqannguanni takkuteriasaarput. Arnat ersilersippaat, angutilli ima oqarfigaat: “Erseqinasi. Jiisusi Nazaret-imioq sanningasulimmut kikiattugaasimasoq ujarparsi. Sooruna toqungasut akornanni ujarpisiuk? Maaniinngilaq, toqusunimmi makissimagami. Tuaviorlusi uterniaritsi ajoqersugai oqarfigiartorlugit, Jiisusigooq Galilæa-mut siuareersimavoq. Tassani naapissavarsi.”

Taakku arnat pingasuusut tupigusunnermik paatsiveerulluinnarput, quilerratsassimallutillu, illoqarfimmut uterlutik, qimaapput. Ajoqersukkat Jiisusip toqusunit makiissimaneranit oqaluttuupaat, kisianni tamakkiisumik upperineqanngillat. Taamaakkaluartorli Piitaq nikuipallappoq, arpaannarlu ilivermukarpoq, arnat oqaasii ilumoornersut paasiniarniarlugit. Aamma taassuma iliveq imaqanngitsoq kisiat takuaa. Taamaallaat toqungasup ulia qimanneqarsimasoq tassaniippoq. Tupigusungarluni angerlarpoq.

### **Anersaaq Illernartoq takkuppoq**

Sapaatit akunnerini tulliuuttuni Jiisusi arnanut, ilivermik imaqanngitsumik naammattuuisimasunut, takutippoq. Aamma ajoqersukkaminut allanullu tapersortiminut takutippoq. Ullut ilaanni Jiisusip ajoqersukkani peqquai, inuit silarsuarmiittut tamaasa ajoqersoriartoqqullugit. “ Inuit tamarmik ilisarimalissavaannga,” oqarpoq”. Ataataq, Ernerup Anersaallu illernartup aqqani kuineqassapput, tamaasalu ilissi uannit ilikkakkassinnik ilinniartissavasi”.

Jeesusip ikinngutini isigai. “Guuti, uanga aqqutigalunga, ilisimasarilerparsi,” oqarpoq.” Maannali Anersaaq Illernartoq aqqutigalugu ilisimasarilissavarsi, taamaammallu Jerusalem-mukassaasi, tassanilu utaqqissaasi.” Taava pilluaqquvai qilaliarniarlunilu qangattarpoq.

Ullut qulit qaangiuttut Anersaaq Illernartoq Jerusalem-imi ajoqersukkanut takutippoq. Nukissanik sapiissusermillu tunivai, Jiisusilu pillugu oqaluttuaat inunnut siaruartinnissaanut taamaalilluni ikiorpai.

Guuti, Jiisusi Anersaarlu Illernartoq sulii ataasiullunilu pingasuuvoq.